

# 送张安道赴南都留台

<p> 我公古仙伯，超然羨门姿（1）。偶怀济物志，遂为世所縻。黄龙游帝郊，箫韶凤来仪。终然反溟极，岂复安笼池。出入四十年，忧患未尝辞。一言有归意，闾府谏莫移。吾君信英睿，搜士及茅茨。无人长者侧，何以安子思。归来扫一室，虚白以自怡（2）。游于物之初（3），世俗安得知。我亦世味薄，因循鬓生丝。出处良细事，従公当有时。（1）羨门：名子高，古仙人也。（2）《庄子·人间世》：“虚室生白，吉祥止止。”（3）《庄子·田子方》：“老聃曰：‘吾游心于物之初。’”（苏轼道家诗之系列：道意类。本文由柏升整理提供）</p><p></p><p><a href = "/pdf/4382-送张安道赴南都留台.pdf" rel="external nofollow" download="4382-送张安道赴南都留台.pdf" target="\_blank">下载本文pdf文件</a></p>